



# მეშახსვე



კომპანიის სიახლეები / ჩვენი თანამშრომლები / სპორტი / ქალაქის აბეები / კულტურა



## ინფორმაცია ანაზღაურების ახალი სისტემის შესახებ

პასუხები ხშირად დასმულ შეკითხვებზე

გვ.3

გვ.2



საკონსულტაციო საბჭოს  
მუშაობა გეგმის მიხედვით  
მიმდინარეობს

### გაიცანით ჩვენი თანამშრომლები



გვ.4



გვ.5

„საქნახშირმა“  
ნარდის ჩემპიონატის  
გამარჯვებულები  
დააჯილდოვა!





30 ივნისს „საქნახშირში“ საკონსულტაციო საბჭოს პირველი სხდომა გაიმართა. კომპანიის დირექტორთა საბჭოს თავმჯდომარე, მიხაილ სოცკი საბჭოს წევრებს შეხვდა და მათთან ერთად საბჭოს სტრუქტურა და მუშაობის პრინციპები განიხილა.

საკონსულტაციო საბჭო 46 წევრისგან შედგება (მათ შორის არიან პროფკავშირების წარმომადგენლებიც). საბჭო რამდენიმე კომიტეტს აერთიანებს, ესენია: საწარმოს, შრომის უსაფრთხოების, საბიუჯეტო და საკადრო, საინფორმაციო პოლიტიკისა და ინფრასტრუქტურის კომიტეტები. საბჭოს შექმნის მიზანი კომპანიაში მიმდინარე აქტუალური საკითხების გადაწყვე-

# „საქნახშირში“ საკონსულტაციო საბჭო შეიქმნა

ტაში დასაქმებულების ჩართულობის გაზრდაა. საბჭოს შექმნას წინ უძღვოდა სამუშაო შეხვედრები და საბჭოს წევრების არჩევნები. საბჭოს წევრები თავად დასაქმებულებმა აირჩიეს, მათი მოვალეობაა თითოეულ დასაქმებულსა და კომპანიის ადმინისტრაციას შორის სწორი კომუნიკაციის ჩამოყალიბების ხელშეწყობა, სამუშაო პროცესებში ჩართვა და მნიშვნელოვანი საკითხების ოპერატიულად მოგვარება.

მიხაილ სოცკიმ საბჭოს შექმნა დადებითად შეაფასა და აღნიშნა, რომ საწარმოს საკითხების გადაწყვეტაში დასაქმებულების აქტიური ჩართულობა სასიცოცხლოდ მნიშვნელოვანია საწარმოს გამართული მუშაობისთვის:

„კომპანიაში განვითარებისა და რეკონსტრუქციის პროცესი წარმატებით მიმდინარეობს. ჩვენ უფრო აქტიურად უნდა მოვემზადოთ თბოელექტროსადგურის აშენებისთვის. ეს კი თითოეული ჩვენგანის ჩართულობის გარეშე ძნელი იქნება. ამიტომაც შეიქმნა ეს საბჭო, რათა

ხელი შეუწყოს საწარმოს განვითარების საქმეში თითოეული თანამშრომლის ჩართულობას, მნიშვნელოვან საკითხებთან დაკავშირებით თანამშრომლებსა და ადმინისტრაციას შორის კომუნიკაციის გაძლიერებას და მათ ოპერატიულ მოგვარებას.

შახტის მომავალი საკონსულტაციო საბჭოს მუშაობაზე დამოკიდებული, ამიტომ იმედი მაქვს, რომ დიდი პასუხისმგებლობით მოეკიდებით საბჭოს საქმიანობას, გამორიცხავთ ემოციებს და ობიექტურ გადაწყვეტილებებს მიიღებთ“ - განაცხადა შეხვედრაზე მიხაილ სოცკიმ.

რაც შეეხება დასაქმებულების პოზიციას, მათი აზრით, ადმინისტრაციასა და თანამშრომლებს შორის კომუნიკაციის გაძლიერება, მნიშვნელოვანი საკითხების ერთობლივად გადაწყვეტა და ორივე მხარისთვის სწორი ინფორმაციის მიწოდება აუცილებელია როგორც საწარმოსთვის, ისე თითოეული დასაქმებულისთვის.



# „საქნახშირში“ გამოემუშავებამდე დამოკიდებული შრომის ანაზღაურების სქემა განიხილეს

„საქნახშირის“ გენერალურ დირექტორთან არსებული საკონსულტაციო საბჭოს მუშაობა გეგმის მიხედვით მიმდინარეობს. 2021 წლის 1 ივლისს პრეზიდენტის შეხვედრა გაიმართა. ამავე შეხვედრაზე დაიგეგმა საბიუჯეტო და საწარმოს კომიტეტების რიგით მეორე შეხვედრა. აღნიშნული შეხვედრა 7 ივლისს გაიმართა. შეხვედრის თემა ერთ-ერთი პრიორიტეტული მიმართულების - შრომის ანაზღაურების სისტემის გაუმჯობესება იყო.

შრომის ანაზღაურების სისტემის ცვლილება და გამოემუშავებამდე დამოკიდებულ შრომის ანაზღაურებაზე გადასვლა კომპანიაში ჯერ კიდევ 2020 წლის სექტემბერში დაიწყო, რაც შახტების რეკონსტრუქციისა და განვითარების გეგმის მნიშვნელოვანი ნაწილია და რომლის შემუშავებაშიც თავად შემახტებებიც იღებენ მონაწილეობას. შედეგად, 2020 წლის სექტემბრიდან ნახშირმოპოვებელი, მზადებითი და სარემონტო-აღდგენითი სამუშაოების უბნები გამოემუშავებამდე დამოკიდებულ შრომის ანაზღაურებაზე გადავიდნენ, რამაც დასაქმებულთა ანაზღაურების შესაძენი გზა განაპირობა.

კომიტეტების სხდომაზე განიხილეს შრომის ანაზღაურების სისტემის გაუმჯობესების მიზნით დაწყებული ცვლილებები და მიზანშეწონილად მიიჩნიეს მათი გაგრძელება, რათა ეტაპობრივად, საწარმოს ყველა შესაბამისი სტრუქტურული ერთეული გადავიდეს გამოემუშავებამდე დამოკიდებული შრომის ანაზღაურების სისტემაზე, რაც, ერთი მხრივ, აამაღლებს შრომის ნაყოფიერებას, ხოლო, მეორე მხრივ, გაზრდის ანაზღაურების ოდენობას, როგორც ეს მოხდა 2020 წლის სექტემბერში. პირველ ეტაპზე, აღნიშნუ-

ლი ცვლილებები უნდა შეეხოს საშახტო ტრანსპორტისა და მედაპირული კომპლექსის უბნებს, რისთვისაც უახლოეს პერიოდში უნდა დასრულდეს დაწყებული ქრონომეტრაჟი და სხვა სათანადო კვლევები, რაზე დაყრდნობითაც შემუშავდება შრომის ანაზღაურების შესაბამისი სქემა. მანამდე კი, 10 დღის ვადაში, ამავე უბნებისთვის ჩამოყალიბდება დროებითი დანამატების სისტემა, რომელის მიხედვითაც, გამოემუშავებამდე დამოკიდებული შრომის ანაზღაურების სქემის დანერგვამდე, დასაქმებულებს საწარმოს გეგმების შესრულებისა და შრომისა და ტექნიკური უსაფრთხოების ნორმების შედარებით დაცვისთვის არსებულ ხელფასებზე მიეცემა დანამატი.

ამავდროულად, სხდომაზე კომიტეტის წევრები კვლავ გამოემუშაურნენ საწარმოს თანამშრომელთა ნაწილის მიმდინარე პროტესტს, რასთან დაკავშირებითაც კიდევ ეთხელ აღნიშნა, რომ მიუღებელია პროტესტის ამ ფორმით გამოხატვა, პროტესტის მონაწილეთა მიერ მუშაობის თვითნებური შეწყვეტა და საკონსულტაციო საბჭოს საქმიანობაში მონაწილეობაზე უარის თქმა. იმ პირობებში, როდესაც უკვე დაწყებულია მუშაობა ანაზღაურების სისტემის გაუმჯობესებაზე, რის შესახებაც ყველა, მათ შორის, პროტესტის მონაწილეებიც, ინფორმირებული იყვნენ, მნიშვნელოვანია პროცესში ყველა დასაქმებულის ჩართულობა, განსახორციელებელ ცვლილებებზე აზრის გამოხატვა და საერთო მიზნების ერთობლივად, კონსტრუქციულად მიღწევა. შესაბამისად, კომიტეტის წევრები მოუწოდებენ პროტესტის მონაწილეებს, დაუბრუნდნენ სამუშაო ადგილებს და მონაწილეობა მიიღონ საკონსულტაციო საბჭოს საქმიანობაში.

# პროტესტის მონაწილეები დირექტორთა საბჭოს თავმჯდომარეს შეხვდნენ

9 ივლისს, იმ თანამშრომლების ნაწილი, რომლებიც 3 ივლისს ხელფასის მომატების მოთხოვნით სამსახურში არ გამოცხადდნენ, დირექტორთა საბჭოს თავმჯდომარეს შეხვდნენ. შეხვედრაზე მათ ანაზღაურების სისტემა განიხილეს. მიხაილ სოცკიმ მათ კითხვებს უპასუხა და პრემირების სისტემის სარგებლიანობაზე ისაუბრა.

საკონსულტაციო საბჭო და მისი წევრები გრაფიკის მიხედვით გააგრძელებენ მუშაობას. საბჭოს მიზანშახტების განვითარების გეგმის წარმატებით განხორციელება და დასაქმებულებისთვის შრომის პირობების გაუმჯობესება წარმოადგენს.



# ინფორმაცია ანაზღაურების ახალი სისტემის შესახებ

## რა არის ბონუსური სისტემა?

სიტყვა "ბონუსური" არასწორი განმარტებაა იმისა, რასაც ადმინისტრაცია სთავაზობს თანამშრომლებს (თავდაპირველად, არასწორად ითარგმნა). აქ საუბარია არა ბონუსებზე, არამედ შესაძლებლობაზე, რომელიც თითოეულს ექნება და რომელიც საშუალებას მისცემს საგრძნობლად გააუმჯობესონ შემოსავალი.

## რა არის პრემირების სისტემა?

პრემირება არის ანაზღაურების გაუმჯობესების სისტემის პირველი საფეხური. მანამ, სანამ საწარმო სრულად გადავა გამომუშავებაზე დამოკიდებულ შრომის ანაზღაურებაზე, საშახტო ტრანსპორტის, ზედაპირული და სხვა უბნებისთვის პრემირების სისტემა ამოქმედდება. ეს არის შესაძლებლობა, რომ დასაქმებულებმა, ხელშეკრულებით გათვალისწინებული პირობების შესრულების შედეგად (უსაფრთხოების ზომების ზედმინევენით დაცვით), გამოიმუშაონ მინიმუმ 200 ლარით მეტი.

## რა მოხდება, თუ დასაქმებული სამსახურს უმიზეზოდ გააცდენს, არ შეასრულებს თავის მოვალეობას ან არ დაიცავს უსაფრთხოების ნორმებს?

ამ შემთხვევაში, დანაშატი (მინიმუმ 200 ლარი), რომელიც დასაქმებულს უნდა მიეღო, გადანანილდება სხვა თანამშრომლებზე, რომლებმაც დაკისრებული მოვალეობა სრულად შეასრულეს და შესაძლოა, მათ მიიღონ 280 ან მეტი პრემია. რადგან უსამართლო იქნება, იმ ადამიანებმა, ვინც სხვებთან შედარებით ორჯერ მეტს მუშაობენ, იგივე ხელფასი რომ აიღონ, რაც ნაკლები დატვირთვით მომუშავე ადამიანებს აქვთ.

## როდის გახდება პრემირების სისტემის დეტალები და დებულება ცნობილი?

საბჭოს აქვს დავალება, რომ შეიმუშაოს დებულება 10 დღის ვადაში. იმ შემთხვევაში, თუ ვერ მოესწრება, მიეცემათ დამატებით რამდენიმე დღე.

## როგორ უნდა მოიქცნენ დასაქმებულები, თუ საბჭოს და კომიტეტის წევრების ობიექტურობაში ეჭვი შეეპარათ?

ამ შემთხვევაში უნდა მოხდეს საკითხის განხილვა, თუ უმრავლესობა იმავს დაადასტურებს, დაუყოვნებლივ უნდა მოხდეს ახალი წევრების არჩევა. ახალი წევრი უნდა აირჩიონ თავად დასაქმებულებმა, რადგან ის უნდა იყოს მათი ინტერესების წარმომადგენელი და დამცველი საბჭოში.

## ვინ გააკონტროლებს დასაქმებულების მუშაობას და იქნება თუ არა ეს პროცესი გამჭვირვალე და ობიექტური?

დასაქმებულების მუშაობას გააკონტროლებს სპეციალური მონიტორინგის სამსახური. ყოველ უბანს ეყოლება მონიტორინგის ჯგუფი, თავისივე თანამშრომლებით დაკომპლექტებული. მკაცრად გააკონტროლდება, რომ ადგილი არ ჰქონდეს ნაცნობობას და შუამდგომლობას, რადგან მსგავსი ფაქტები დანარჩენი დასაქმებულების უფლებებს დაარღვევს.

## დამოკიდებულია თუ არა ტრანსპორტის, ზედაპირული და სხვა უბნების თანამშრომლების ანაზღაურება მოპოვებაზე?

აღნიშნული უბნების თანამშრომლების ანაზღაურება არ არის დამოკიდებული ნახშირის მოპოვებაზე. დანაშატს პრემიის სახით ისინი კონტრაქტით გათვალისწინებული ვალდებულებების შესრულების შემთხვევაში უპრობლემოდ მიიღებენ.

**თქვენი მომავალი ანაზღაურება თქვენს ხელშია!**



### გაიცანით სადისპეჩერო სამსახურის თანამშრომლები

*სადისპეჩერო სამსახური შახტის ერთ-ერთი ყველაზე მნიშვნელოვანი განყოფილებაა, საიდანაც დაკავშირება ხდება როგორც მინის-ქვეშ დასაქმებულებთან, ისე ადმინისტრაციის თანამშრომლებთან. ბოლო რამდენიმე წელია, რაც სადისპეჩერო სამსახური თანამდებროვე კომპიუტერული აპარატურით აღიჭურვა. სწორედ ამ აპარატურის და სპეციალური ჩიპების წყალობით ხდება მეშახტეების გადაადგილების კონტროლი. სადისპეჩერო სამსახური იძლევა მინისქვეშ ფეთქებადი და მოპოვებითი სამუშაოების წარმოების ნებართვასაც. სწორედ ამიტომ, ამ სამსახურს შახტის ხერხემალსაც უწოდებენ.*

შახტის გამართულ და უსაფრთხო მუშაობას ხუთი ადამიანი უზრუნველყოფს.

**ლუიზა გაბრიაცე** 2010 წლიდან „მინდელის“ შახტის სადისპეჩერო სამსახურის ერთ-ერთი დისპეჩერია. 1985 წელს, საქართველოს პოლიტექნიკური ინსტიტუტის სამთო ფაკულტეტის დასრულების შემდეგ ტყიბულში დაბრუნდა. წლების განმავლობაში „მინდელის“ და მაშინდელ „სტალინის“ სახელობის შახტებზე მუშაობდა.

ქალბატონი ლუიზა სამთოელის ოჯახიდანაა. მამა, კალენიკე გაბრიაცე ცნობილი სამთოელი და „სტალინის“ შახტის მთავარი ინჟინერი იყო. ქალბატონი ლუიზას მსგავსად, მამის პროფესიას გაჰყვა მისი ორივე და. დამსახურებული მეშახტეა ლუიზა გაბრიაცის ბიძაც, ჯუმბერ გაბრიაცე (რომელზეც წინა ნომერში მოგიყვით). ბაბუა, ელისი გაბრიაცე სამთოელი იყო.

ქალბატონი ლუიზას მეუღლე, პეტრე რობაქიძე „მინდელის“ სახელობის შახტზე ფეთქითი ნივთიერების გამცემის პოზიციაზე მუშაობს. ჰყავთ ერთი ქალიშვილი.

„ჩემთვის შახტა მთელი ცხოვრებაა, დიდი სიყვარული მაქვს შახტის მიმართ, მეამაყება რომ სამთოელების ოჯახიდან ვარ და ჩემი წინაპრების ტრადიციას ვაგრძელებ.“



**ინეზა ქასრაძემ** 2008 წელს მინდელის სახელობის შახტზე, სადისპეჩერო სამსახურში დაიწყო მუშაობა და დღემდე აქ მუშაობს.

ქალბატონმა ინეზამ ჯერ ქუთაისის ტექნიკური უნივერსიტეტი დაამთავრა (გემო-კვების სპეციალობით), შემდეგ კი ტყიბულის სამთო-ტექნიკური სასწავლებლი, ელექტრობის სპეციალისტი გახდა და ტყიბულის სამთო-სამაშველო სამსახურში, კადრების განყოფილებაში დაიწყო მუშაობა. ამის შემდეგ რვა წელი „ორჯონიკიძის“ სახელობის შახტის ადმინისტრაციაში, საქმეთა მმართველად იმუშავა. წლების მანძილზე მუშაობდა „მინდელის“ შახტზე

და ტრესტის კომპუტატორის განყოფილებაში. 2008 წლიდან დღემდე „მინდელის“ შახტის სადისპეჩეროს თანამშრომელია. მეუღლე, ბესო ქასრაძევილი ქვა-ნახშირის გამამდიდრებელ ფაბრიკაშია დასაქმებული. ჰყავთ სამი წლის შვილი.

**ნინო ლაცაბიძე** მრვალი წელია სამთო სფეროში საქმიანობს. 1987 წელს მან მუშაობა „ორჯონიკიძის“ სახელობის შახტზე, ქვა-ნახშირის გამამდიდრებელ ფაბრიკაში მთავარ ინჟინრად დაიწყო. შახტში მიღებული ტრამვის გამო დროებით წამოვიდა სამსახურიდან. 2006 წელს კი ისევ დაბრუნდა და დღემდე „მინდელის“ სახელობის შახტის სადისპეჩერო სამსახურში მუშაობს.



ქალბატონმა ნინომ საქართველოს პოლიტექნიკური ინსტიტუტის სამთო ინჟინერ-გამამდიდრებლის ფაკულტეტი, სამთო ინჟინრის კვალიფიკაციით წითელ დიპლომზე დაამთავრა. სამუშაოდ დონეცკში გაანაწილეს, იქიდან მალევე დაბრუნდა და მუშაობდა სურამის მუშის ქარხანაში დაიწყო. 1987 წელს ტყიბულელ სერგო ქათამაძეზე დაქორწინდა, ჰყავთ 3 შვილი და 4 შვილიშვილი.

მეუღლე პროფესიით სამთო ინჟინერია, 1982 წლიდან 2016 წლამდე „ორჯონიკიძის“ სახელობის შახტის და „მინდელის“ სახელობის შახტის მთავარი ენერგეტიკი გახლდათ. მათი ვაჟი, ნიკა ქათამაძე „საქნახშირში“ ეკოლოგის პოზიციაზეა დასაქმებული. უმღლესი განათლება მიიღეს გოგონებმაც.

**ავთანდილ ცხადაძე** 42 წელია სამთო სფეროში საქმიანობს. მან საქართველოს პოლიტექნიკური ინსტიტუტი სამთო მშენებლის კვალიფიკაციით დაამთავრა. სწავლის პარალელურად, 1979 წელს, მაშინდელ „ორჯონიკიძის“ სახელობის შახტში მეზიგედ დაიწყო მუშაობა. შემდეგ განიავების, ტრანსპორტის და მოპოვებით უზნებზე მუშაობდა.



„საქნახშირში“ სხვადასხვა საპასუხისმგებლო თანამდებობებზე მუშაობის შემდეგ სამუშაოდ ტყიბულის სამაშველო სამსახურში გადავიდა, სადაც 2 წელი უფროსის თანამშენებელ იმუშავა.

1989 წლიდან „მინდელის“ სახელობის შახტში, დირექტორის მოადგილე იყო, ასევე გახლდათ მთავარი ინჟინრის მოვალეობის შემსრულებელი (ერთი წელი). ამის შემდეგ არაერთ საპასუხისმგებლო პოზიციაზე მუშაობდა. 2012 წლიდან დღემდე კი დისპეჩერის პოზიციაზე მუშაობს.

ჰყავს მეუღლე, 2 შვილი და 4 შვილიშვილი. მეუღლე, დარეჯან ქარქაშაძე ტყიბულის სამთო-

სამაშველო სამსახურის მთავარი ლაბორანტია.

ბატონი ავთოს მამა, ივანე ცხადაძე პროფესიით სამთო ინჟინერი იყო და 40 წლის მანძილზე შახტში, სხვადასხვა პოზიციაზე მუშაობდა. დღეს ბატონი ავთო თავის ცოდნას და გამოცდილებას ახალ თაობას სიამოვნებით უზიარებს.

„ჩემი საქმიანობის პერიოდში, დირექტორის დონემდე არ ვარ ასული, თორემ დანარჩენი ყველა პოზიციაზე მიმუშავია. ზეპირად ვიცი ყველაფერი რაც შახტს ეხება. ყველას ვეტყვი, რომ შახტში მთავარი უსაფრთხოების წესების დაცვაა. ყველას მოვუწოდებ, იყავით ყურადღებით, პირველ რიგში, შენს თავს უნდა მიხედო ადამიანმა, ასევე უნდა იცოდეს, რომ შახტში თუ რამეს არასწორად გააკეთებ, შეიძლება შენ გადარჩე და სხვა დაიღუპოს შენი მიზეზით. ამიტომ, ყოველთვის ფრთხილად უნდა იყო. გაუფრთხილდით საკუთარ თავს და სხვის სიცოცხლეს.“

**ზურაბ ჭანტურიძე** წლების მანძილზე სხვადასხვა საპასუხისმგებლო თანამდებობებზე მუშაობდა. მან საქართველოს პოლიტექნიკური ინსტიტუტი სამთო ინჟინრის კვალიფიკაციით დაამთავრა. უმაღლესი სასწავლებლის დასრულების შემდეგ (1974 წელს) მუშაობა „ორჯონიკიძის“ სახელობის შახტში, სამთო ოსტატად დაიწყო. წლების მანძილზე იყო ვენტილაციის უბნის უფროსის თანამშენებელი და შემდეგ მოადგილე, უბნის უფროსი, უსაფრთხოების განყოფილების უფროსი, ტექნიკური განყოფილების უფროსი, მთავარი ინჟინრის მოადგილე, მთავარი ინჟინერი. აღნიშნული შახტის დახურვის გამო 5 წელი სამთო სფეროს ჩამოშორდა. 2005 წელს ისევ დაბრუნდა და მუშაობა „მინდელის“ სახელობის შახტზე, სამთო ოსტატად დაიწყო. მუშაობდა მზადების, მოპოვების, ტრანსპორტის, რემონტის უზნებშიც. ბოლო ერთი წელია სადისპეჩერო სამსახურის დისპეჩერია.



ბატონი ზურაბი ერთ-ერთი ღვანლმოსილი მეშახტეა, თავისი საქმის პროფესიონალი. ის დღემდე ღირსეულად ემსახურება სამთო სფეროს. ბევრი სასახელო თაობა აღზარდა და აზიარა სამთო დარგს. თავის ცოდნას და მრავალწლიან გამოცდილებას დღესაც უანგაროდ უზიარებს მომავალ თაობებს.

ჰყავს მეუღლე, 2 შვილი და 3 შვილიშვილი. შვილი, ზვიად ჭანტურიძე, მამის ტრადიციას აგრძელებს და „საქნახშირის“ თანამშრომელია.



### ჩინეთიდან ახალი ნაწილები ჩამოვიდა!

15 ივნისს „საქნახშირმა“ ჩინეთიდან ახალი პროდუქცია მიიღო. მათ შორისაა საგამო დაცვის სისტემის სათადარიგო ნაწილებიც, რაც მნიშვნელოვანია უსაფრთხო პროდუქციის უზრუნველსაყოფად. გარდა ამისა, საწარმომ მიიღო 1000 ელემენტი და მეშახტის ახალი ფანრები. აღნიშნული მასალებით მოხდება მწყობრიდან გამოსული სათადარიგო ნაწილების ჩანაცვლება.







## 43 წელი სამთო სფეროში!

ტის სანგრევში, ნახშირის მომპოვებლად დაიწყო. ჰყავს მეუღლე მარინა ძონენიძე, ორი შვილი და ოთხი შვილიშვილი.

გენადი ბოჭორიშვილი 1978 წლიდან დღემდე „მინდელის“ სახელობის შახტში მუშაობს, ამჟამად ცვლის ბრიგადირის პოზიციას დასაქმებული და მრავალი წელია ერთგულად ემსახურება შახტს. ამ ხნის მანძილზე ბევრი ახალგაზრდა სპეციალისტი აღზარდა, ისინი დღეს საუკეთესო მემახტეები არიან.

**გენადი ბოჭორიშვილი:**  
„როცა სამუშაოდ მოვედი

19 წლის ვიყავი, ბევრი კარგი ადამიანი დამხვდა, ვინც გვერდით დამიდგა და შახტში მუშაობა მასწავლა. წლების მანძილზე შახტში ბევრი საუკეთესო მეგობარი შევიძინე, რომლებიც ოჯახის ახლობლები გახდნენ. სამსახური ჩემთვის მეორე ოჯახია, აქ გავიზარდე და დავაყვაცდი. 43 წლიანი მუშაობის მანძილზე მხოლოდ 2 წელი ვიყავი შახტიდან წასული, რადგან ოთხმოცდაათიან წლებში შახტში სანარმოო პროცესი დროებით შეჩერებული იყო.

დღეს შახტა გამართულად მუშაობს, დაფასებულია მემახტის პროფესია, რაც კომპანიის დამსახურებაა. მადლობა ყველას ვინც ზრუნას შახტის და მემახტის კეთილდღეობაზე“.

**გენადი (გელა) ბოჭორიშვილი** ტყიბულში დაიბადა და გაიზარდა. მამა, სერგო ბოჭორიშვილი, დამსახურებული მემახტე იყო. ბატონმა გენადიმ ტყიბულის მეექვსე საშუალო სკოლის დასრულების შემდეგ მუშაობა „მინდელის“ სახელობის შახტში დაიწყო.



## ახალგაზრდა მეუახსტე თორნიკე ჯაჭავაძე

თორნიკე ჯაჭავაძე სულ რაღაც 19 წლის იყო როდესაც შახტში დაიწყო მუშაობა. დღეს უკვე 6 წლიანი სამუშაო გამოცდილება აქვს და ახალგაზრდა, პრომის-მოყვარე, პერსპექტიული სპეციალისტია.

მან ქუთაისის პროფესიული სასწავლებელი „იბერია“ ავტომობი-

ლის შემკეთებელი ელექტრო მექანიკოსის სპეციალობით დაამთავრა. სამხედრო სავალდებულო სამსახურიდან დაბრუნებულმა „მინდელის“ სახელობის შახტში, ტრანსპორტის უბნის გზის მოხელედ დაიწყო მუშაობა. ექვსი წელი ამ პოზიციაზე საქმიანობდა. სულ რამდენიმე თვეა ნახშირის მოპოვების უბანში გადავიდა სამუშაოდ. ჰყავს მეუღლე და ორი ვაჟი.



## „საქნახშირმა“ ნარდის ჩემპიონატის გამარჯვებულები დააჯილდოვა!

სპორტული ღონისძიებების ფარგლებში, 26 ივნისს „საქნახშირის“ თანამშრომლებს შორის ნარდის შეჯიბრი გაიმართა.

შეჯიბრი ოთხ ტურად ჩატარდა და მასში კომპანიის 42 თანამშრომელი მონაწილეობდა. შეჯიბრის ბოლოს გამოვლინდნენ გამარჯვებულები.

პირველ ადგილზე ოთარ ქარქაშაძე გავიდა, მეორე ადგილზე ზურაბ ბარისაშვილი, ხოლო მესამე ადგილზე ჯონი ჩქიმიკოჩია.

შეჯიბრში გამარჯვებულებს „საქნახშირის“ ადმინისტრაციამ ფულადი საჩუქარი და სამახსოვრო სერტიფიკატები გადასცა. პირველ ადგილის მფლობელს 500 ლარი გადაეცა, მეორე ადგილს 300 ლარი ერგო, მესამე ადგილზე გასულს კი 200 ლარი. ასევე დასაჩუქრდა ტურნირის ერთადერთი მონაწილე ქალბატონი მთვარისა სოფრომაძე. კომპანიამ მას სამახსოვრო სერტიფიკატი და ფულადი პრიზი, 100 ლარი გადასცა.





### PEOPLE IN NEED-ის მოლდოვის ოფისის წარმომადგენლები ტყიბულში



ტყიბულის მუნიციპალიტეტის მერი, თემურ ჩუბინიძე, ჩეხური არაკომერციული საერთაშორისო ორგანიზაცია PEOPLE IN NEED-ის მოლდოვის ოფისის წარმომადგენლებს შეხვდა.

ნიციპალიტეტის სკოლამდელი აღზრდის დაწესებულებათა გაერთიანების დირექტორი ემილია გაბრიაძე და ტყიბულის რაიონის განვითარების ფონდის (TDDF) წარმომადგენლები ესწრებოდნენ.



სტუმრები დაინტერესდნენ ტყიბულში 2016-18 წლებში მიმდინარე პროექტის „სოციალური დაცვის საკითხებზე მომუშავე არასამთავრობო ორგანიზაციების ჩართულობის გაძლიერება სტრატეგიულ დიალოგში საქართველოში“ გამოცდილების გაზიარებით.

უცხოელი სტუმრები სოციალურ სერვისებს გაეცნენ, რომელიც აღიშნული პროექტის ფარგლებში დაფინანსდა. მათ ასევე მონახულეს ხანდაზმულთა სოციალურ-კულტურული ცენტრი და სოციალური სამრეცხაო.

შეხვედრას მუნიციპალიტეტის ჯანმრთელობისა და სოციალური დაცვის სამსახურის ხელმძღვანელი, ნელი ქარელი, ა.ა.ი.პ. ტყიბულის მუ-

### დემოკრატიის გაძლიერება მედია წიგნიერების ამაღლებით



ტყიბულის რაიონის განვითარების ფონდის (TDDF) წარმომადგენლებმა ტყიბულში პროექტის „დემოკრატიის გაძლიერება მედია წიგნიერების ამაღლებით“ შემაჯამებელი ღონისძიება გამართეს. შეხვედრის მსვლელობისას პროექტის ფარგლებში გამართული ღონისძიებების შეჯამება მოხდა.

ლობის სხვა წარმომადგენლები ესწრებოდნენ.

პროექტი დოკუმენტური ფილმების ჩვენებასა და დისკუსიების წარმართვას ითვალისწინებდა. ის ეფუძნება ფართოდ გავრცელებულ საგანმანათლებლო პროგრამას „ერთი სამყარო სკოლებში“, რომელიც PEOPLE IN NEED-ის მიერ ჩეხეთში 2003 წლიდან ხორციელდება. ასევე, პროექტის ფარგლებში მედია წიგნიერების საკითხებში სფეროს ექსპერტები და სხვადასხვა მედია ორგანიზაციების წარმომადგენლები იყვნენ მონაწილეები.

პროექტი ტყიბულში ხუთი თვის მანძილზე მიმდინარეობდა და მასში 22 ახალგაზრდა იყო ჩართული, რომელთაც შემაჯამებელ შეხვედრაზე სერტიფიკატები და გიორგი კეკელიძის წიგნი „გურული დღიურები“ გადაეცათ.

პროექტი ტყიბულის რაიონის განვითარების ფონდმა (TDDF), ჩეხური არაკომერციული ორგანიზაცია „ფიფი ინ ნიდ (PIN)“-ის მხარდაჭერით და ჩეხეთის საგარეო საქმეთა სამინისტროსა და USAID-ის დაფინანსებით განახორციელა.



### ტყიბულში რეკრეაციული ზონების განახლება მიმდინარეობს

პროექტის „ადგილობრივი პარტნიორობა იმერეთის მეორე დონის პოსტ-ინდუსტრიული ქალაქების რევიტალიზაციისთვის“ ფარგლებში, ტყიბულში რეკრეაციული ზონების განახლება მიმდინარეობს, რომელიც გამსახურდიას ქუჩაზე ორი სკვერის რეაბილიტაციას გულისხმობს. 9 აპრილის სახელობის სკვერში არსებულ სამუშაოებს ტყიბულის მუნიციპალიტეტის მერი თემურ ჩუბინიძე გაეცნო.

9 აპრილის სახელობის სკვერის რეაბილიტაცია კომპლექსურ სამუშაოებს მოიცავს, მათ შორის, ბილიკების მოპირკეთებას, მოაჯირების განახლებას, ახალი კედლის ჩამოსხმა-მოხატვას, ბავშვთა გასართობის სივრცის მოწყობას, ასევე განათების და გამწვანების შეცვლას.

პარალელურად, სკვერის განახლება დაწყებულია ცენტრალური ბიბლიოთეკის მიმდებარედ. დასასვენებელი სივრცეები ადაპტირებული იქნება განსაკუთრებული საჭიროების მქონე პირთათვის. აღნიშნული პროექტი, საქართველოში ევროკავშირის წარმომადგენლობისა და ტყიბულის მუნიციპალიტეტის მერიის ფინანსური მხარდაჭერით გამოცხადებული „იდეების კონკურსი“-ს ფარგლებში ხორციელდება და მისი საერთო ღირებულება 100 000 ლარს შეადგენს.





# სამხატვრო სკოლის კურსდამთავრებულთა ნამუშევრების გამოფენა

კულტურის ობიექტების გაერთიანების სამხატვრო სკოლამ გამო-  
ფენა მოაწყო. საგამოფენო დარბაზი 2020-21 სასწავლო წლის  
15 კურსდამთავრებულის მიერ, ბოლო ორი წლის განმავლობაში  
შექმნილ 100-ზე მეტ ნახატს დაეთმო.

წარმოდგენილი იყო, როგორც სახვითი, ისე გამოყენებითი  
ხელოვნების ნიმუშები. დამთვალიერებლებს ნახატების ავ-  
ტორებმა ზეთის საღებავებით, აკვარელით, გუაშით, გრაფი-  
ტითა თუ ტუშით შესრულებული ფერწერული და გრაფიკული  
ნამუშევრები, პორტრეტები, პეიზაჟები, ნატურმორტები გააც-  
ნეს. ნახატები სტუმრებს სამხატვრო სკოლის ხელმძღვანელ-

მა, მირზა ჭელიშვილმა,  
სათითაოდ წარმოუდ-  
გინა.

კურსდამთავრებულე-  
ბი ფერწერას, გრაფი-  
კას, კომპოზიციას, ვიტ-  
რაჟს, ხეზე კვეთას, თექას, ბატიკას, თიხის მხატვრულ დამუშავებას,  
ხელოვნების ისტორიას, დაზგურ ქანდაკებას, ქვიშაზე ხატვასა თუ  
სხვას, სამხატვრო სკოლის განსაკუთრებულად თბილ, მყუდრო და  
სიყვარულით გაჯერებულ გარემოში 4 წლის განმავლობაში შეის-  
წავლიდნენ.



ბევრი მათგანი სწავლის გაგრძელებას სახვითი ხელოვნების მი-  
მართულებით გეგმავს. ღონისძიებაზე დამთვალიერებელთა შო-  
რის იყვნენ მონაწილე სტუმრები: მუნიციპალიტეტის საკრებულოს  
თავმჯდომარე, ნატალია კობახიძე, მერის პირველი მოადგილე,  
გიორგი ლომთაძე, „საქნახშირის“ დირექტორთა საბჭოს თავმჯ-  
დომარე, მიხაილ სოცკი. ასევე, ადგილობრივი თვითმმართველო-  
ბის, კულტურის ობიექტების გაერთიანებისა და სხვა ორგანიზაციე-  
ბის ხელმძღვანელი პირები და წარმომადგენლები.

სტუმრებმა კურსდამთავრებულებს დიპლომები გადასცეს, წარმა-  
ტებები უსურვეს, მადლობა გადაუხადეს სკოლის დირექციას, პე-  
დაგოგებსა და მშობლებს. მათ თავიანთ შთაბეჭდილებებსა და გა-  
მოფენით მიღებულ დადებით ემოციებზეც ისაუბრეს.



## ბრინჯაოს მედალი მსოფლიო ჩემპიონატიდან

უნგრეთის დედაქალაქ ბუდაპეშტში გამართულ 2021 წლის ძიუდოს  
მსოფლიო ჩემპიონატზე ილია სულამანიძემ (-100კგ წონითი კატეგორია)  
ბრინჯაოს მედალი მოიგო. მან გზად ისეთი ცნობილი სპორტსმენები დაა-  
მარცხა, როგორებიცაა ოლიმპიური ვიცე-ჩემპიონი, ამერბაიჯანელი ელ-  
მარ გასიმოვი, ტიტულოვანი ფრანგი ალექსანდრ იდირი, თურქი მერტ  
სისმენლარი, მონღოლი ოტგონბაატარ ლხაგვასურენი და კანადელი შა-  
დი ელნაჰასი.

ილიასთვის ეს მსოფლიო ჩემპიონატი სადებიუტო იყო. დამოუკიდებელი  
საქართველოს ისტორიაში ის ყველაზე ახალგაზრდა ძიუდოსტი გახდა  
(19 წლის), რომელმაც ამ დიდ ფორუმზე მედლის მოგება შეძლო.

ამ წარმატებით ტყიბულელი ძიუდოსტი მსოფლიო რეიტინგში 11 საფე-  
ხურით დანიშნურდა და ამჟამად უფროსებს შორის მე-20 ადგილზე იმ-  
ყოფება, ახალგაზრდებში კი ერთპიროვნულად ლიდერობს და პირვე-  
ლი ნომერია.

**ჩვენი ჩემპიონი 20 წლის გახდა!**  
„საქნახშირი“ ულოცავს ილია სულამანიძეს დაბადების დღეს! ბედნიე-  
რებას, ჯანმრთელობას და კიდევ უფრო დიდ წარმატებას ვუსურვებთ!

## მეზახსეების სსოვნისადმი მიძღვნილი ტრადიციული ტურნირი

ოლიმპიზმის დღესთან დაკავში-  
რებით, ტყიბულის მუნიციპალი-  
ტეტის სოფელ გელათის საჯარო  
სკოლის ძიუდოს დარბაზში, ტრა-  
დიციულად დაღუპულ მეზახსეთა  
სსოვნისადმი მიძღვნილი ტურნი-  
რი გაიმართა.



ტრადიციული ტურ-  
ნირი ძიუდოში  
ორი დღის განმავ-  
ლობაში მიმდინა-  
რეობდა, სადაც  
იმერეთის 12 გუნ-  
დის 150 სპორტსმე-  
ნი იღებდა მონაწი-  
ლეობას.



ტურნირში, ტყი-  
ბულის მუნიციპა-  
ლიტეტის სპორტული ცენტრისა  
და გელათის ძიუდოს ჯგუფების  
ახალბედა სპორტსმენებმაც იას-  
პარებეს და სხვადასხვა წონით  
კატეგორიაში საპრიზო ადგი-  
ლებს დაეუფლნენ.

ღონისძიებას ტყიბულის მუნი-  
ციპალიტეტის მერი, თემურ ჩუ-  
ბინიძე, საკრებულოს თავმჯ-  
დომარე ნატალია კობახიძე,  
მუნიციპალიტეტის მერიის გა-  
ნათლებლის, კულტურის, სპორტის,  
ახალგაზრდობისა და ტურიზმის  
განვითარების სამსახურის ხელ-  
მძღვანელი, ალექო ბიბილაშვი-  
ლი და ტყიბულის სპორტული ცენტრის დირექტორი, ვარლამ  
კობახიძე ესწრე-  
ბოდნენ.

მუნიციპალიტე-  
ტის ხელმძღვა-  
ნელობამ შეჯიბრის მონაწილეებს  
მსოფლიო ოლიმპიური დღე მიუ-  
ლოცა და გამარჯვებულ სპორტ-  
სმენებს მედლები და სიგელები  
გადასცეს.

გელათში, ოლიმპიზმის დღესთან  
დაკავშირებით მოეწყო გარბენიც.  
სპორტულ აქტივობაში მონაწილე  
ბავშვებს სიმბოლური საჩუქრები  
გადაეცათ.

ღონისძიება ა.ა.ი.პ. სპორტული  
ცენტრის ორგანიზებით და ტყიბუ-  
ლის მუნიციპალიტეტის მერიის  
მხარდაჭერით გაიმართა.





# ჩვენი გაზეთი 1 წლისა



**1 წლის განმავლობაში**

- ✓ გაგაცანით 53 თანამშრომელი
- ✓ გავაშუქეთ 12 ღონისძიება
- ✓ მოგიყევით 30-მდე ახალი ამბავი ტყიბულის შესახებ
- ✓ გამოვაქვეყნეთ 20-ზე მეტი სტატია კომპანიაში მიმდინარე სიახლეებზე



ჩვენამდე, მინდა კიდევ უფრო ბევრი საინტერესო სიახლე ვუსურვო ტყიბულს, „საქნახშირს“ და რა თქმა უნდა, გაზეთ „მეშახტეს.“

ჩვენი გაზეთის სარედაქციო გუნდს ვულოცავ 1 წლის იუბილეს. მოხარული ვარ, რომ გაზეთმა ამ მცირე პერიოდში დიდი ინტერესი დაიმსახურა და ბევრი ერთგული მკითხველი ჰყავს როგორც ტყიბულში, ისე მის ფარგლებს გარეთ, ქვეყნის მასშტაბით! ამ პერიოდის განმავლობაში, კომპანიაში და ზოგადად, მუნიციპალიტეტში მიმდინარე ცვლილებების შესახებ არაერთი საინტერესო სიახლე გაშუქდა, გაზეთის საშუალებით უკეთ გავიცანით ჩვენი თანამშრომლები, ნავიკითხეთ საინტერესო ისტორიები. საკუთარი პროფესიის ასეთი სიყვარულისთვის განსაკუთრებული მადლობა მინდა გადავუხადო თითოეულ თანამშრომელს. საერთო ჯამში, გაზეთი „მეშახტე“ მნიშვნელოვანი საინფორმაციო წყარო გახდა. ის საშუალებას გვაძლევს ვიყოთ ინფორმირებულები, თვალი ვადევნოთ სანარმოს განვითარებას და მუნიციპალიტეტის ამბებს.

მადლობა სარედაქციო გუნდს, რომელიც ყოველთვიურად თავს უყრის საინტერესო ინფორმაციას და გაზეთის საშუალებით მოაქვს რა თქმა უნდა, გაზეთ „მეშახტეს.“

**გიორგი ჭელიძე**  
ინვესტორი კომპანიის დამფუძნებელი

გაზეთ „მეშახტე“-ს და მის შემოქმედებით გუნდს გულითადად გილოცავთ პირველ იუბილეს. ჩვენთვის სასიამოვნოა თქვენთან თანამშრომლობა, საზოგადოების აქტიური ნაწილი მუნიციპალიტეტში და „საქნახშირში“ მიმდინარე სიახლეებს თქვენი გაზეთის მეშვეობით ეცნობა. ერთი წლის წინ თქვენ უმნიშვნელოვანეს საქმეს ჩაუყარეთ საფუძველი და გახდით საინტერესო და მრავალფეროვანი ინფორმაციის წყარო. კიდევ ერთხელ გილოცავთ, გისურვებთ ერთგულ მკითხველთა სიმრავლეს, პოზიტიურ სიახლეებს და ბევრ წარმატებას!

**თემურ ჩუბინიძე**  
ტყიბულის მუნიციპალიტეტის მერი



**პატივისცემით გილოცავთ გაზეთის იუბილეს!**  
გულითადად ვულოცავ „საქნახშირს“ გაზეთ „მეშახტეს“ იუბილეს, ვულოცავ მის რედკოლევას და მთლიანად კოლექტივს!

მისასალმებელია, რომ გაზეთი „მეშახტე“ პროფილურ თემატიკასთან ერთად ჩვენი მუნიციპალიტეტის მნიშვნელოვან და აქტუალურ საკითხებს ეხმიანება და აშუქებს. სასიამოვნოა, რომ გაზეთი დატვირთულია უამრავი საინფორმაციო და ფოტო მასალით.

გულწრფელად ვურთდები „საქნახშირის“ ერთსულოვან განწყობას. კიდევ ერთხელ გილოცავთ და გისურვებთ შემდგომ წარმატებებს, მუდმივ საინტერესო სიახლეებს და ერთგული მკითხველის სიმრავლეს!

**ნატალია კობახიძე**  
ტყიბულის მუნიციპალიტეტის საკრებულოს თავმჯდომარე